

صلاح جاهين

لما تفكر بخيالك تشطح
و ترد ف مرة على جاهين
تبقى أكيد واحد مجنون
و أنا قررت اتجنن حبة
يمكن يبقى كلام موزون
حاسب من الأحزان و حاسب لها
أنا جيت شمال و جيت يمين
لقيتنى برده ف وشها
مشيت ساعتها و سيبتها
فاشتقتها

مع إن كل الخلق في الأصل طين
الطين ده منه نوعين
طين الشوارع
و الأغلى طين فخارين
و الناس بردو نوعين
نظرت في الملكوت كتير وانشغلت
مخلوق عوالة أنا
و الا أنا ليه اتخلقت ؟؟
و بين أمور الحياة
نسيت السؤال و انشغلت
ياما صادفت صحاب وما صاحبتهمش
و ناس كتير حبتنى و ماحبتهمش

والحب و الكره
مبادئ حياة
للبصير حتى و ال ما بيشوفش
ورا كل شباك ألف عين مفتوحين
باصيين علينا
بعيون حزينة
و الباقي باصيين
بعيون حاسدين
و الحزن اصلاً
في الأصل حقد دفين
بس الحزاني أطيب كثير
من الحاسدين
إقلع غماك يا تور وارفض تلف
ده الذل داء غواك
و لا مرض جواك
خايف لامنه تخف

أميرة يحيى